

કર્મગ્રન્થ પહેલો (કર્મવિપાક)

સિરિવીરજિણં વંદિઅ, કમ્મવિવાગં સમાસઓ વુચ્છં; કીરઇ જિએણ હેઉહિં, જેણં તો ભન્નએ કમ્મં.	૧
પયઇ ઠિઇ રસ પએસા, તં ચઉહા મોઅગસ્સ દિટ્ઠંતા; મૂલપગઇટ્ઠ ઉત્તર-પગઇ અડવન્નસયભેયં.	૨
ઇહ નાણદંસણાવરણ-વેઅમોહાઉ નામગોઆણિ; વિગ્ધં ચ પણનવદ્દુ-અટ્ઠવીસ ચઉતિસયદ્દુ-પણવિહં.	૩
મઇસુઅઓહીમણકેવલાણિ, નાણાણિ તત્થ મઇનાણં; વંજણવગ્ગહ ચઉહા, મણનયણવિણિંદિયચઉક્કા.	૪
અત્યુગ્ગહ ઈહાવાય-ધારણા કરણમાણસેહિં છહા, ઇય અટ્ઠવીસભેઅં, ચઉદ્દસહા વીસહા વ સુયં.	૫
અકખર સમ્મી સમ્મં, સાઇઅં ખલુ સપજ્જવસિઅં ચ; ગમિયં અંગપવિટ્ઠં, સત્ત વિ એએ સપડિવક્ખા.	૬
પજ્જયઅકખર-પયસંઘાયા, પડિવત્તિ તહય અણુઓગો; પાહુડપાહુડ પાહુડ, વત્થુ પુવ્વા ય સસમાસા.	૭
અણુગામિ વડ્ઢમાણય, પડિવાઇ યરવિહા છહા ઓહી; રિઉમઈ-વિઉલમઈ, મણનાણં કેવલમિગવિહાણં.	૮
એસિં જં આવરણં, પડુવ્વ ચકખુસ્સ તં તયાવરણં; દંસણ ચઉ પણનિદ્દા, વિત્તિસમં દંસણાવરણં.	૯
ચકખૂદિટ્ઠિ અચકખૂ, સેસિંદિઅ ઓહિકેવલેહિં ચ; દંસણમિહ સામન્નં, તસ્સાવરણં તયં ચઉહા.	૧૦
સુહપડિબોહા નિદ્દા, નિદ્દાનિદ્દા ય દુક્ખપડિબોહા; પયલા ઠિઓવવિટ્ઠસ્સ, પયલપયલા ઉ ચંકમઓ.	૧૧
દિણચિંતિઅત્થકરણી, થીણાદ્ધી અદ્ધચક્કિઅદ્ધબલા; મહુલિત્તખગ્ગધારા-લિહણં વ દુહા ઉ વેઅણિઅં.	૧૨
ઓસન્નં સુરમણુએ, સાયમસાયં તુ તિરિઅનિરએસુ; મજ્જંવ મોહણીઅં, દુવિહં દંસણચરણમોહા.	૧૩
દંસણમોહં તિવિહં, સમ્મં મીસં તહેવ મિચ્છન્તં; સુદ્ધં અદ્ધવિસુદ્ધં, અવિસુદ્ધં, તં હવઇ કમસો.	૧૪
જિઅઅજિઅપુણપાવા સવસંવરબંધમુક્ખનિજ્જરણા; જેણં સદ્દહઇ તયં, સમ્મં ખઇગાઇબહુભેઅં.	૧૫
મીસા ન રાગદોસો, જિણધમ્મે અંતમુહૂ જહા અન્ને; નાલિયરદીવમણુણો, મિચ્છં જિણધમ્મવિવરીઅં.	૧૬
સોલસ કસાય નવ નોકસાય, દુવિહં ચરિત્તમોહણિઅં; અણ અપચ્ચકખાણા, અપચ્ચકખાણા ય સંજલણા.	૧૭
જાજીવ વરિસ ચઉમાસ, પકખગા નિરયતિરિઅ નર-અમરા; સમ્માણુસવ્વવિરઇઅહકખાયચરિત્તઘાયકરા.	૧૮
જલ રેણુ પુઢવિ પવ્વય-રાઇ-સરિસો ચઉવ્વિહો કોહો; તિણિસલયા કટ્ઠટ્ઠિઅ સેલત્થંભોવમો માણો.	૧૯
માયાવલેહિ ગોમુત્તિ, મિંઢસિંગ ઘણવંસિમૂલસમા; લોહો હલિદ્ધ ખંજણ, ક્કમકિમિરાગસમાણો.	૨૦
જસ્સુદ્ધયા હોઈ જિએ, હાસ રઇ અરઇ સોગ ભય કુચ્છા; સનિમિત્તમન્નહા વા, તં ઈહ હાસાઇમોહણિયં.	૨૧

પુરિસિત્થિતદુભયં પઠ, અહિલાસો જવ્વસા હવઠ સો ઉ;	
થી નર નપુ વેઉદઓ, કુંકુંમ તણ નગર દાહસમો.	૨૨
સુર નર-તિરિ નિરયાઊ, હડિસરિસં નામકમ્મ ચિત્તિસમં;	
બાયાલ તિનવઠવિહં, તિઉત્તરસયં ચ સત્તટ્ઠી.	૨૩
ગઠ જાઠ તણુ ઉવંગા, બંધણ સંઘાયણાણિ સંઘયણા;	
સંઠાણ વન્નગંધરસ-ફાસ અણુપુવ્વિ વિહગગઠ.	૨૪
પિંડપયડિત્તિ ચઉદ્દસ, પરઘા ઊસાસ આયવુજ્જોઅં;	
અગુરુલહુ તિત્થ નિમિણો-વઘાયમિઅ અટ્ઠપત્તેઆ.	૨૫
તસ બાયર પજ્જતં, પત્તેય થિરં સુભં ચ સુભગં ચ;	
સુસરાઠજ્જજસં, તસદ્દસગં થાવરદસં તુ ઇમં.	૨૬
થાવર સુહુમ અપજ્જં, સાહારણ અથિર અસુભ દુભગાણિ;	
દુસસર ણાઠજ્જા જસ-મિઅનામે સેઅરા વીસં.	૨૭
તસચઉ થિરછક્કં અથિરછક્કં, સુહુમતિગ થાવરચઉક્કં;	
સુભગ-તિગાઈ વિભાસા, તયાઠસંખાહિ પયડીહિં.	૨૮
વન્નચઉ અગુરુલહુ ચઉ, તસાઠ-દુ તિ ચઉર છક્કમિચ્ચ્યાઈ;	
ઇઅ અન્નાવિ વિભાસા, તયાઠસંખાહિ પયડીહિં.	૨૯
ગઠઅઈણ ઉ કમસો, ચઉપણ પણતિપણ પંચછછક્કં;	
પણદુગ પણટ્ઠયઉદુગ, ઇઅ ઉત્તરભેયપણસટ્ઠી.	૩૦
અડવીસજુઆ તિનવઠ, સંતે વા પનરબંધણે તિસયં;	
બંધણસંઘાયગહો, તણુસુ સામન્ન વણણચઊ.	૩૧
ઇઅ સત્તટ્ઠી બંધોદ્દએ ચ, ન ચ સમ્મ મીસયા બંધે;	
બંધુદ્દએ સત્તાએ, વીસ દુવીસઢવણણસયં.	૩૨
નિરયતિરિ નરસુરગઈ, ઇગભિઅતિઅ ચઉપણિંદિજાઈઓ;	
ઓરાલવિઉવ્વાહારગ-તેઅકમ્મણ પણસરીરા.	૩૩
બાહુરુ પિટ્ઠિઠ સિર ઉર, ઉયરંગ ઉવંગ અંગુલીપમુહા;	
સેસા અંગોવંગા, પઢમતણુતિગસ્સુવંગાણિ.	૩૪
ઉરલાઠ પુગ્ગલાણં, નિબદ્ધ બજ્જંતયાણ સંબંધં;	
જં કુણાઈ જઉસમં તં, બંધણ મુરલાઠતણુનામા.	૩૫
જં સંઘાયઠ ઉરલાઠ-પુગ્ગલે તિણગણંવ દંતાલી;	
તં સંઘાયં બંધણમિવ, તણુનામેણ પંચવિહં.	૩૬
ઓરાલવિઉવ્વાહારયાણ, સગ તેઅ કમ્મજુત્તાણં;	
નવ બંધણાણિ ઇઅર દુ-સહિયાણં તિન્નિ તેસિં ચ.	૩૭
સંઘયણમટ્ઠિઠનિયઓ, તં છદ્ધા વજ્જરિસહનારાયં;	
તહ રિસહનારાયં, નારાયં અદ્ધનારાયં.	૩૮
કીલિઅ ઇવટ્ઠં ઇહ, રિસહો પટ્ટો અકીલિઆ વજ્જં;	
ઉભઓ મક્કડબંધો, નારાયં ઇમમુરાલંગે.	૩૯
સમચઉરંસં નિગ્ગોહ, સાઠ ખુજ્જાઈ વામણં હુંડં;	
સંઠાણા વણણા કિણહ, નીલ લોહિઅ-હલિદ્ધ સિઆ.	૪૦
સુરહિદુરહી રસા પણ, તિત્ત કડુ કસાય અંબિલા મહુરા;	
ફાસા ગુરુલહુ મિઉખર, સીઉણહ સિણિદ્ધરુકખટ્ઠા.	૪૧
નીલ કસિણં દુગંધં, તિત્તં કડુઅં ગુરું, ખરં રુકખં;	
સીઅં ચ અસુહનવગં, ઇક્કારસગં સુભં સેસં.	૪૨
ચઉહગઠવ્વ ણુપુવ્વી, ગઠપુવ્વિદુગં તિગં નિયાઉજુઅં;	

પુવ્વીઉદઓ વક્કે, સુહઅસુહવસુટ્ટવિહગગઇ.	૪૩
પરઘા ઉદયા પાણી, પરેસિં બલિણંપિ હોઇ દુદ્ધરિસો;	
ઉસસણ લદ્ધિજુત્તો, હવેઇ ઊસાસનામવસા.	૪૪
રવિબિંબે ઉ જિઅંગં, તાવજુઅં આયવાઉ ન ઉ જલણે;	
જમુસિણાફાસસ્સ તહિં, લોહિઅવણણસ્સ ઉદઉત્તિ.	૪૫
અણુસિણપયાસરૂવં, જિઅંગમુજજોઅએ ઇહુજજોઆ;	
જઇ દેવુત્તરવિક્કિઅ, જોઇસ-ખજજોઅમાઇવ્વ.	૪૬
અંગં ન ગુરુ નં લહુઅં, જાયઇ જીવસ્સ અગુરુલહુઉદયા;	
તિત્થેણ તિહુઅણાસ્સવિ, પુજજો સે ઉદઓ કેવલિણો.	૪૭
અંગોવંગનિઅમણં, નિમ્માણં કુણાઇ સુત્તહારસમં;	
ઉવઘાયા ઉવહમ્મઇ, સતણુવયવ લંબિગાઇહિં.	૪૮
ભિત્તિયઉપણિંદિઅ તસા, બાયરઓ બાયરા જિઆ થૂલા;	
નિઅનિઅપજજત્તિજુઆ, પજજત્તા લદ્ધિ કરણેહિં.	૪૯
પત્તેઅતણુ પત્તે-ઉદએણં દંત અટ્ટિઠમાઈ ચિરં;	
નાભુવરિ સિરાઇ સુહં, સુભગાઓ સવ્વજણાઇટ્ટઠો.	૫૦
સુસરા મહુરસુહજુણી, આઇજજા સવ્વલોયગિજ્જવઓ;	
જસઓ જસકિત્તીઓ, થાવરદસગં વિવજજત્થં.	૫૧
ગોઅં દુહુચ્ચનીઅં, કુલાલ ઇવ સુઘડભુંભલાઇઅં;	
વિગ્ઘં દાણે લાભે, ભોગુવભોગેસુ વીરિએ અ.	૫૨
સિરિહરિઅસમં એઅં, જહ પડિકુલેણ તેણ રાયાઈ;	
ન કુણાઈ દાણાઈઅં એવં વિગ્ઘેણ જીવો વિ.	૫૩
પડિણીઅત્તણ નિન્હવ, ઉવઘાય પઓસ અંતરાએણં;	
અચ્ચાસાયણયાએ, આવરણદુગં જિઓ જયઇ.	૫૪
ગુરુભત્તિ ખંતિ કરુણા-વય જોગ કસાયવિજય દાણજુઓ;	
દઢઘમ્માઈ અજજઈ, સાયમસાયં વિવજજયઓ.	૫૫
ઉમગ્ગદેસણા મગ્ગ નાસણા, દેવદવ્વહરણેહિં;	
દંસણમોહં જિણમુણિ, ચેઇઅ સંઘાઇ પડિણીઓ.	૫૬
દુવિહંપિ ચરણમોહં, કસાય હાસાઇ વિસય વિવસમણો;	
બંધઇ નિરયાઉ મહા, રંભપરિગ્ગહરઓ રુદ્ધો.	૫૭
તિરિઆઉ ગૂઢહિઅઓ, સઢો સસલ્લો તહા મણુસ્સાઊ;	
પયઇઇ તણુક્સાઓ, દાણરુઈ મજ્જિમગુણોઅ.	૫૮
અવિરયમાઇ સુરાઉ, બાલતવોડકામનિજજરો જયઇ;	
સરલો અગારવિલ્લો, સુહનામં અન્નહા અસુહં.	૫૯
ગુણપેહી મયરહિઓ, અજ્જયણજ્જાવણારુઇ નિચ્ચં;	
પકુણાઇ જિણાઇભત્તો, ઉચ્ચં નીઅં ઇઅરહા ઉ.	૬૦
જિણપૂઆવિગ્ઘકરો, હિંસાઇપરાયણો જયઇ વિગ્ઘં;	
ઇઅ કમ્મવિવાગોડયં, લિહિઓ દેવિદ્ધસૂરીહિં.	૬૧

કર્મગ્રન્થ બીજો (કર્મસ્તવ)

તહ યુણિમો વીરજિણં, જહ ગુણાઠાણેસુ સયલકમ્માઇ;	
બંધુદ્ધઓદીરણયા-સત્તાપત્તાણિ ખવિઆણિ.	૧
મિચ્છે સાસણમીસે અવિરયદેસે પમત્ત અપમત્તે;	
નિઅટ્ટિ અનિઅટ્ટિ, સુહુમુવસમ ખીણસજોગિઅજોગિગુણા.	૨
અભિનવ-કમ્મગ્ગહણં, બંધો ઓહેણ તત્થ વીસસયં;	

તિત્થયરાહારગદ્દુગ-વજ્જં મિચ્છંમિ સતરસયં.	૩
નરયતિગ જાઇથાવર-ચઉ હુંડાયવ ઈવટ્ઠ નપુમિચ્છં;	
સોલંતો ઇગહિઅસય, સાસણિ તિરિથીણદ્દુહગતિગં.	૪
અણમજ્જાગિઇસંઘયણ-ચઉનિઉજ્જોઅ કુખગઇત્થિત્તિ;	
પણવીસંતો મીસે, ચઉસયરિ દુઆઉઅ અબંધા.	૫
સમ્મે સગસયરિજિણાઉ, બંધિ વઇરનરતિઅ બિઅકસાયા;	
ઉરલદ્દુગંતો દેસે, સત્તટ્ઠી તિઅકસાયંતો.	૬
તેવટ્ઠિ પમત્તે સોગ, અરઇ અથિરદ્દુગ અજસ અસ્સાયં;	
વુચ્છિજ્જ ઇચ્ચ સત્ત વ, નેઇ સુરાઉ જયા નિટ્ઠં.	૭
ગુણસટ્ઠિ અપ્પમત્તે, સુરાઉ બંધંતુ જઇ ઇહાગચ્છે;	
અન્નહ અટ્ઠાવન્ના, જં આહારગદ્દુગં બંધે.	૮
અડવન્ન અપુવ્વાઇમિ, નિદ્દુગંતો ઇપન્ન પણ્લામે;	
સુરદ્દુગ પણિદ્દિ-સુખગઇ, તસનવ ઉરલવિણુ તણુવંગા.	૯
સમચઉરનિમિણાજિણવન્ન, અગુરુલહુચઉઇલંસિતી સંતો;	
ચરમે ઇવીસબંધો, હાસ રઇ કુચ્છ ભય ભેઓ.	૧૦
અનિઅટ્ઠિ ભાગપણમે, ઇગેગહીણો દુવીસવિહબંધો;	
પુમ સંજલણ-ચઉઇહં, કમેણ ઇઓ સત્તર સુહુમે.	૧૧
ચઉઇંસણુચ્ચજસનાણ, વિગ્ઘદ્દસગંતિ સોલસુચ્છેઓ;	
તિસુ સાયબંધ ઇઓ, સજોગિ બંધંતુડણંતો અ.	૧૨
ઉદઓ વિવાગવેઅણ-મુદ્દીરણમપત્તિ ઇહં દુવીસસયં;	
સતરસયંમિચ્છે મીસ-સમ્મ આહાર-જિણણુદયા.	૧૩
સુહુમતિગાયવમિચ્છં, મિચ્છંતં સાસણે ઇગારસયં;	
નિરયાણુપુવ્વિણુદયા, અણથાવર ઇગવિગલઅંતો.	૧૪
મીસે સયમણપુવ્વી-ડણુદયા મીસોદએણ મીસંતો;	
ચઉસયમજએ સમ્માડણુપુવ્વિખેવા બિઅકસાયા.	૧૫
મણુતિરિણુપુવ્વિ વિઉવટ્ઠ, દુહગઅણાઇજ્જદ્દુગસત્તરઇઓ;	
સગસીઈ દેસિ તિરિગઇ-આઉ નિઉજ્જો અ તિકસાયા.	૧૬
અટ્ઠચ્છેઓ ઇગાસી, પમત્તિ આહારજુઅલ પકખેવા;	
થીણતિગાહારગદ્દુગ-ઇઓ ઇસ્સયરિ અપમત્તે.	૧૭
સમત્તંતિમસંઘયણ-તિઅગચ્છેઓ બિસત્તરિ અપુવ્વે;	
હાસાઇઇકકઅંતો, ઇસટ્ઠિ અનિઅટ્ઠિ વેઅતિગં.	૧૮
સંજલણાતિગં ઇ ઇઓ, સટ્ઠિ સુહુમંમિ તુરિઅલોભંતો;	
ઉવસંતગુણે ગુણસટ્ઠિ, રિસહનારાયદ્દુગઅંતો.	૧૯
સગવન્ન ખીણદ્દુચરિમિ, નિદ્દુગંતો અ ચરિમિ પણવન્ના;	
નાણંતરાયદંસણ-ચઉ ઇઓ સજોગિ બાયાલા.	૨૦
તિત્થુદયા ઉરલા થિર-ખગઇદ્દુગ પરિત્તતિગ ઇ સંઠાણા;	
અગુરુલહુ વન્નચઉ નિમિણ-તેઅકમ્માઇ સંઘયણં.	૨૧
દૂસર સૂસર સાયા-સાએગયરં ચ તીસવુચ્છેઓ,	
બારસ અજોગિ સુભગાઇજ્જ-જસન્નયરવેઅણિઅં.	૨૨
તસતિગપણિદ્દિમણુઆઉ, ગઇજિણુચ્ચંતિ ચરિમસમયંતો;	
ઉદઉવ્વુદ્દીરણા પર-મપમત્તાઈ સગગુણેસું.	૨૩
એસા પયડિતિગૂણા, વેયણિયાહારજુઅલ થીણાતિગં;	
મણુઆઉ પમત્તંતા, અજોગિ અણુદ્દીરગો ભયવં.	૨૪

સત્તા કમ્માણ ઠિઈ, બંધાઇલદ્ધ અત્તલાભાણં;	
સંતે અડયાલસયં, જા ઉવસમુ વિજણુ બિઅતઇ એ.	૨૫
અપુવ્વાઇચઉક્કે અણતિરિનિરયાઉ વિણુ બિયાલસયં;	
સમ્માઇચઉસુ સત્તગ-ખયંમિ ઇગયત્તસયમહવા.	૨૬
ખવગંતુ પપ્પ ચઉસુવિ, પણયાલં નિરયતિરિયસુરાઉ વિણા;	
સત્તગવિણુ અડતીસં, જા અનિઅટ્ટીપઢમ ભાગો.	૨૭
થાવરતિરિનિરયાયવ-દુગ થીણાતીગેગ વિગલ સાહારં;	
સોલખઓ દુવીસસયં, બીઅંસિ બીઅતિઅકસાયંતો.	૨૮
તઇઆઇસુ ચઉદ્ધસતેર, બારઇપણ-ચઉતિહિયસય કમસો;	
નપુઇત્થિહાસઇગ-પુંસ, તુરિઅકોહ-મય-માય ખઓ.	૨૯
સુહુમિદ્ધસય લોહંતો, ખીણાદુચરિમેગસય દુનિદ્ધખઓ;	
નવનવઈ ચરિમસમએ, ચઉદંસણ નાણવિગ્ધંતો.	૩૦
પણસીઇ સજોગિઅજોગિ, દુચરિમે દેવખગઇગંધદુગં;	
ફાસટ્ઠ વન્નરસતણુ-બંધણસંઘાયપણ નિમિણં.	૩૧
સંઘયણઅથિરસંઠાણ-ઇક્ક અગુરુલહુચઉ અપજજત્તં;	
સાયંવ અસાયં વા, પરિત્તુવંગતિગ સુસર નિઅં.	૩૨
બિસયરિ ખઓ અચરિમે, તેરસમણુઅતસતિગ જસાઇજજં;	
સુભગ જિણુચ્ચ પહિંદિઅ, સાયાસાએગયરછેઓ.	૩૩
નરઅણુપુવ્વિવિણા વા, બારસચરિમસમયંમિ જો ખવિઉં;	
પત્તો સિદ્ધિં દેવિદ્ધ-વંદિઅં નમહ તં વીરં.	૩૪

કર્મગ્રન્થ ત્રીજો (બંધસ્વામિત્વ)

બંધવિહાણાવિમુક્કં, વંદિય સિરિવદ્ધમાણજિણાયંદં;	
ગઇઆઇસું વુચ્છં, સમાસઓ બંધસામિત્તં.	૧
ગઇ ઇંદિએ ય કાએ, જોએ વેએ કસાય નાણે ય;	
સંજમ દંસણ લેસા, ભવ સમ્મે સન્નિ આહારે.	૨
જિણા સુરવિઉવાહારદુ, દેવાઉ ય નિરય સુહુમ વિગલતિગં;	
એગિંદિ થાવરાડડ્યવ, નપુ મિચ્છં હુંડ છેવટ્ઠં.	૩
અણમજ્જાગિઇસંઘયણ, કુખગઇનિય ઇત્થિ દુહગથીણાતિગં;	
ઉજ્જોઅ તિરિદુગંતિરિ-નરાઉ નરઉરલદુગ રિસહં.	૪
સુરઇ-ગુણાવીસવજ્જં, ઇગ સઉ ઓહેણ બંધહિં નિરયા;	
તિત્થવિણા મિચ્છં સયં, સાસણિ નપુચઉવિણા છનુઇ.	૫
વિણુ અણાઇવીસમીસે, બિસયરિ સમ્મંમિ જિણાનરાઉજુઆ;	
ઇઅ રયણાઇસુ ભંગો, પંકાઇસુ તિત્થયરહીણો.	૬
અજિણમણુઆઉ ઓહે, સત્તમીએ નરદુગુચ્ચવિણુ મિચ્છે;	
ઇગનવઈ સાસાણે, તિરિઆઉ નપુંસચઉ વજ્જં.	૭
અણચઉવીસવિરહિઆ, સનરદુગુચ્ચા ય સચરિ મીસદુગે;	
સતરસઓ ઓહિ મિચ્છે, પજ્જતિરિઆ વિણુ જિણાહારં.	૮
વિણુ નિરયસોલ સાસણિ, સુરાઉઅણાએગતીસ વિણુ મીસે;	
સસુરાઉ સચરિ સમ્મે, બીઅકસાએ વિણા દેસે.	૯
ઇય ચઉગુણેસુવિ નરા, પરમજયા સજિણ ઓહુ દેસાઈ;	
જિણાઇક્કારસહીણં, નવસય અપજ્જત્તિરિઅનરા.	૧૦
નિરયવ્વ સુરા નવરં, ઓહે મિચ્છે ઇગિંદિતિગસહિઆ;	
કપ્પદુગે વિ ય એવં, જિણાહીણો જોઇભવણવણે.	૧૧

રયણુવ્વ સણંકુમારાઈ, આણયાઈ ઉજ્જોયયઉરહિઆ;	૧૨
અપજ્જતિરિઅવ્વનવસય, મિગિંદિપુઢવિજલતરુવિગલે.	૧૩
છન્નવઈ સાસણિ-વિણુ સુહુમતેર, કેઈ પુણ બિંતિ ચઉનવઈં;	૧૩
તિરિઅનરાગીહિ વિણા, તણુપજ્જતિં ન જંતિ જઓ.	૧૪
ઓહુ પણિંદિતસે, ગઈતસે જિણિક્કારનરતિગુચ્ચ વિણા;	૧૪
મણવયજોગે ઓહો, ઉરલે નરભંગુ તમ્મિસ્સે.	૧૪
આહારછગ વિણોહે ચઉદ્દસસઉ મિચ્છિ જિણપણગહીણં;	૧૫
સાસણિ ચઉનવઈ વિણા તિરિઅનરાગી સુહુમતેર.	૧૫
અણચઉવીસાઈ વિણા, જિણપણજુઅ સમ્મિ જોગિણો સાયં;	૧૬
વિણુ તિરિનરાઉ કમ્મે વિ, એવમાહારદુગિ ઓહો.	૧૬
સુરઓહો વેઉવ્વે, તિરિઅનરાઉ રહિઓ અ તમ્મિસ્સે;	૧૭
વેઅતિગાઈમ બિઅતિઅ, કસાય નવ દુ ચઉપંચગુણા.	૧૭
સંજલણતિગે નવ દસ લોભે, ચઉ અજઈ દુતિઅનાણતિગે;	૧૮
બારસ અચકખુચકખુસુ, પઢમા અહકખાય ચરિમચઉ.	૧૮
મણનાણિ સગ જયાઈ, સમઈઅચ્છેઅ ચઉ દુન્નિ પરિહારે;	૧૯
કેવલદુગિ દો ચરમા, જયાઈ નવ મઈસુ ઓહિદુગે.	૧૯
અડ ઉવસમિ ચઉ વેઅગિ, ખઈએ ઈક્કાર મિચ્છતિગિ દેસે;	૨૦
સુહુમિ સઠાણં તેરસ, આહારગિ નિઅનિઅગુણોહો.	૨૦
પરમુવસંમિ વઢંતા, આઉ ન બંધંતિ તેણ અજયગુણે;	૨૧
દેવમણુઆઉહીણો, દેસાઈસુ પુણ સુરાઉ વિણા.	૨૧
ઓહે અટ્ટઠારસયં, આહારદુગૂણમાઈલેસતિગે;	૨૨
તં તિત્થોણંમિચ્છે, સાણાઈસુ સવ્વહિં ઓહો.	૨૨
તેગી નિરયનવૂણા, ઉજ્જોઅચઉ નિરયબારવિણુ સુક્કા;	૨૩
વિણુ નિરયબાર પમ્હા, અજિણાહારા ઈમા મિચ્છે.	૨૩
સવ્વગુણ ભવ્વસન્નિસુ, ઓહુ અભવ્વા અસન્નિ મિચ્છિસમા;	૨૪
સાસણિ અસન્નિ સન્નિવ્વ, કમ્મણાભંગો અણાહારે.	૨૪
તિસુ દુસુ સુક્કાઈગુણા, ચઉ સગ તેરત્તિ બંધસામિત્તં;	૨૫
દેવિંદસૂરિ રઈઅં, નેઅં કમ્મત્થયં સોઉં.	૨૫

કર્મગ્રન્થ યોથો (ષડશીતિ)

નમિઅજિણંજિઅમગ્ગણ-ગુણાણુવઓગજોગલેસાઓ;	૧
બંધપ્પ બહૂ ભાવે, સંખિજ્જાઈ કિમવિ વુચ્છં.	૧
નમિયજિણંવત્તવ્વા, ચઉદ્દસ જિઅઠાણાએસુ ગુણાઠાણા;	૨
જોગુવઓગો લેસા, બંધુદઓદીરણા સત્તા.	૨
તહ મૂલ ચઉદ મગ્ગણ-ઠાણેસુ બાસટ્ઠિ ઉત્તરેસું ચ;	૩
જિઅગુણ જોગુવઓગા, લેસપ્પબહું ચ છટ્ટાણા.	૩
ચઉદ્દસગુણે-સુજિઅજો, ગુવઓગલેસા ય બંધહેગી ય;	૪
બંધાઈચઉ અપ્પાબહું ચ તો ભાવસંખાઈ.	૪
ઇહ સુહુમબાયરેગિંદિ, બિતિચઉ અસન્નિસન્નિપંચિંદી;	૫
અપજ્જત્તા પજ્જત્તા, કમેણ ચઉદ્દસ જિઅટ્ટાણા.	૫
બાયર-અસન્નિવિગલે, અપજ્જિપઢમબિઅસન્નિઅપજ્જત્તે;	૬
અજયજુઅ સન્નિપજ્જે, સવ્વગુણા મિચ્છ સેસેસુ.	૬
અપજ્જત્તઈકિંક કમ્મુરલ, મીસ જોગા અપજ્જ સન્નિસુ;	૭
તે સવિઉવ્વમીસ એસુ, તણુપજ્જેસુ ઉરલ મન્ને.	૭

સવ્વે સન્નિપજત્તે, ઉરલં સુહમે સભાસુ તં ચઉસુ; બાયરિ સવિઉવ્વિદ્દુગં, પજસન્નિસુ બાર ઉવઓગા.	૮
પજચઉરિંદિ-અસન્નિસુ, દુદંસદુઅનાણદસસુચકખુવિણા; સન્નિઅપજજે મણનાણ-ચકખુકેવલદુગ વિહૂણા.	૯
સન્નિદ્દુગિ છલેસ, અપજજ બાયરે પઢમચઉતિ સેસેસુ; સત્તટ્ઠ બંધુદીરણ, સંતુદયા અટ્ઠ તેરસસુ.	૧૦
સત્તટ્ઠ છેગ બંધા, સંતુદયા સત્ત અટ્ઠ ચત્તારિ; સત્તટ્ઠ છ પંચ દુગં, ઉદીરણા સન્નિપજજત્તે.	૧૧
ગઇ ઇંદિએ ય કાએ, જોએ વેએ કસાય નાણેસુ; સંજમ દંસણ લેસા, ભવસમ્મે સન્નિ આહારે.	૧૨
સુરનરતિરિનિરયગઇ, ઇગભિઅતિઅચઉપણિંદિઇકકાયા; ભૂજલજલણાનિલવણ, તસા ય મણ વયણ તણુજોગા.	૧૩
વેઅ નરિત્થિ નપુંસા, કસાય કોહ-મય-માય-લોભત્તિ; મઇસુઅવહિ-મણ-કેવલ, વિભંગ-મઇસુઅનાણ સાગારા.	૧૪
સામાઇઅ છેઅ પરિહાર, સુહુમ અહકખાયદેસજયઅજયા; ચકખુ અચકખુ ઓહી, કેવલદંસણ અણાગારા.	૧૫
કિણહા નીલા કાગિ, તેગિ પમ્હા ય સુક્ક ભવ્વિઅરા; વેઅગ ખઇગુવસમ મિચ્છ, મીસ સાસાણ સન્નિઅરે.	૧૬
આહારેઅર ભેઆ, સુરનિરયવિભંગ મઇસુઓહિદ્દુગે; સમ્મત્તિગે પમ્હા, સુક્કા સન્નીસુ સન્નિદ્દુગં.	૧૭
તમસન્નિ અપજજજુયં, નરે સબાયરઅપજજ તેઉએ; થાવરઇગિંદિ પઢમા ચઉ, બાર અસન્નિ દુદુ વિગલે.	૧૮
દસચરિમ તસે અજયા, હારગ તિરિ તણુ કસાય દુઅનાણે; પઢમતિલેસાભવિઅર, અચકખુનપુમિચ્છિ સવ્વેવિ.	૧૯
પજજસન્ની કેવલદુગે, સંજમ મણનાણ દેસ મણ મીસે; પણચરિમપજજવયણે, તિય છ વ પજ્જિઅરચકખુંમિ.	૨૦
થીનરપણિંદિ ચરમા ચઉ, અણહારે દુસન્નિ છ અપજજા; તે સુહુમઅપજજ વિણા, સાસણિ ઇત્તો ગુણે વુચ્છં.	૨૧
પણ તિરિચઉ સુરનિરએ, નરસન્નિપણિંદિભવ્વતસિસવ્વે; ઇગવિગલ ભૂદગવણે, દુ દુ એગં ગઇતસ અભવ્વે.	૨૨
વેઅતિકસાય નવ દસ, લોભે ચઉ અજઇ દુતિ અનાણાતિગે; બારસ અચકખુ ચકખુસુ, પઢમા અહખાઇ ચરિમ-ચગિ.	૨૩
મણનાણિ સગ જયાઇ, સમઇઅ છેઅ ચઉ દુન્નિ પરિહારે; કેવલદુગિ દો ચરિમા-જયાઇ નવ મઇસુઓહિદ્દુગે.	૨૪
અહ ઉવસમિ ચઉ વેઅગિ, ખઇએ ઇક્કાર મિચ્છતિગિ દેસે; સુહુમે અ સઠાણં તેર, જોગ આહાર સુક્કાએ.	૨૫
અસન્નિસુ પઢમદુગં, પઢમતિલેસાસુ છચ્ચ દુસુ સત્ત; પઢમંતિમદુગ અજયા, અણહારે મગ્ગણાસુ ગુણા.	૨૬
સચ્ચેઅર મીસઅસચ્ચ, મોસ મણ વય વિઉવ્વિ આહારા; ઉરલં મીસા કમ્મણ, ઇઅ જોગા કમ્મ અણાહારે.	૨૭
નરગઇ પણિંદિતસ તણુ, અચકખુ નરનપુ કસાય સમ્મદુગે; સન્નિ છલેસા હારગ, ભવ મઇ સુઅ ઓહિદ્દુગિ સવ્વે.	૨૮
તિરિઇત્થિઅજય સાસણ, અનાણઉવસમઅભવ્વમિચ્છેસુ;	

તેરાહારદુગૂણા, તે ઉરલદુગૂણા સુરનિરએ.	૨૯
કમ્મુરલદુગંથાવરિ, તે સવિઉવ્વિદુગ પંચ ઇગિ પવણે;	
ઇ અસન્નિચરિમ-વઇજુઅ, તે વિઉવદુગૂણાયઉ વિગલે.	૩૦
કમ્મુરલમીસ વિણુ મણ, વઇસમઇઅ છે અ ચકખુમણનાણે;	
ઉરલદુગ કમ્મ પઢમં-તિમમણવઇ કેવલદુગંમિ.	૩૧
મણવઇઉરલા પરિહારિ, સુહુમિ નવ તે ઉ મીસિસવિઉવ્વા;	
દેસે સવિઉવ્વિદુગા, સકમ્મુરલમીસ અહકખાએ.	૩૨
તિઅનાણનાણપણાયઉદંસણબાર-જિઅલકખણુવઓગા;	
વિણુ મણનાણદુકેવલ, નવ સુર તિરિ-નિરચઅજએસુ.	૩૩
તસ જોઅ વેઅ સુક્કા-હાર નર પણિદિ સન્નિ ભવિ સવ્વે;	
નચણેઅર પણ લેસા, કસાય દસ કેવલદુગૂણા.	૩૪
ચઉરિદિઅસન્નિદુ અન્નાણ, દુદંસ ઇગભિતિથાવરિ અચકખુ;	
તિઅનાણ દંસણદુગં, અનાણતિગિ અભવિ મિચ્છદુગે.	૩૫
કેવલદુગે નિઅદુગં, નવ તિઅનાણ વિણુ ખઇઅઅહકખાએ;	
દંસણનાણતિગં દેસિ, મીસિ અન્નાણમીસં તં.	૩૬
મણનાણચકખુવજ્જા, અણહારે તિન્નિદંસ ચઉનાણા;	
ચઉનાણસંજમોવસમવેઅગે ઓહિદંસે અ.	૩૭
દો તેર તેર બારસ, મણે કમા અટ્ઠ દુ ચઉ ચઉ વચણે;	
ચઉ દુ પણતિન્નિ કાયે, જિઅગુણજોગોવઓગન્ને.	૩૮
ઇસુ લેસાસુ સઠાણં, એગિંદિઅસન્નિ ભૂ દગ વણેસુ;	
પઢમા ચઉરો તિન્નિઉ, નારચ-વિગલગિ-પવણેસુ.	૩૯
અહકખા ય સુહુમ કેવલ-દુગિ સુક્કા છાવિ સેસઠાણેસુ;	
નર-નિરચ-દેવ-તિરિઆ, થોવા દુ અસંખ અણંતગુણા.	૪૦
પણ ચઉ તિદુ એગિંદી, થોવા તિન્નિઅહિયા અણંતગુણા;	
તસ થોવ અસંખગ્ગી, ભૂજલનિલ અહિયવણ ણંતા.	૪૧
મણ-વચણ-કાયજોગી, થોવા અસંખગુણ અણંતગુણા;	
પુરિસા થોવા ઇત્થી, સંખગુણા-ણંતગુણા કીવા.	૪૨
માણી કોહી માયી, લોભી અહિય મણનાણિણો થોવા;	
ઓહિ અસંખા મઇ સુઅ, અહિઅ સમ અસંખવિભ્ભંગા.	૪૩
કેવલિણો ણંતગુણા, મઇસુઅઅન્નાણિ ણંતગુણ તુલ્લા;	
સુહુમા થોવા પરિહાર, સંખઅહકખાય સંખગુણા.	૪૪
ઇયે સમઇય સંખા, દેસ અસંખગુણ ણંતગુણ અજયા;	
થોવ અસંખ દુણંતા, ઓહિ નચણ કેવલ અચકખુ.	૪૫
પચ્છાણુપુવ્વિ લેસા, થોવા દોઠસંખ ણંત દો અહિઆ;	
અભવિઅર થોવ ણંતા, સાસણ થોવો વસમ સંખા.	૪૬
મીસા સંખા વેઅગ, અસંખગુણ ખઇઅ મિચ્છ દુ અણંતા;	
સન્નિઅર થોવ ણંતા-ણહાર થોવેઅર અસંખા.	૪૭
સવ્વજિઅઠાણ મિચ્છે, સગસાસણિ પણ અપજ્જ સન્નિદુગં;	
સમ્મે સન્ની દુવિહો, સેસેસું સન્નિપજ્જત્તો.	૪૮
મિચ્છદુગિ અજઇ જોગા-હારદુગૂણા અપુવ્વપણાગે ઉ;	
મણવઇ ઉરલં સવિઉવ્વિ, મીસિ સવિઉવ્વિદુગ દેસે.	૪૯
સાહારદુગ પમત્તે, તે વિઉવાહારમીસ વિણુ ઇઅરે;	
કમ્મુરલદુગંતાઇમ-મણવચણ સજોગિ ન અજોગી.	૫૦

તિઅનાશ દુદંસાઇમ, દુગે અજઇ દેસિ નાણદંસતિગં;	
તે મીસિ મીસા સમણા, જયાઇ કેવલદુ અંતદુગે.	૫૧
સાસણભાવે નાણં, વિઉવ્વગાહારગે ઉરલમિસ્સં;	
નેગિદિસુ સાસાણો, નેહાહિગયં સુયમયં પિ.	૫૨
ઇસુ સવ્વા તેઉતિગં, ઇગિ ઇસુ સુક્કા અજોગિ અલ્લેસા;	
બંધસ્સ મિચ્છ અવિરઇ, કસાય જોગત્તિ ચઉ હેઉ.	૫૩
અભિગહિઅ, મણભિગહિઆ, ભિનિવેસિય-સંસઇય-મણાભોગં;	
પણમિચ્છ બાર અવિરઇ, મણકરણાનિઅમુ છજિઅવહો.	૫૪
નવ સોલ કસાયા પનર, જોગ ઇઅ ઉત્તરા ઉ સગવત્તા;	
ઇગ ચઉ પણ તિગુણેસુ, ચઉ તિ-દુ-ઇગપચ્ચઓ બંધો.	૫૫
ચઉમિચ્છમિચ્છઅવિરઇ-પચ્ચઇઆ સાય સોલ પણતીસા;	
જોગવિણુ તિપચ્ચઇઆ-હારગજિણવજ્જ સેસાઓ.	૫૬
પણપત્ત પત્તા તિઅઇહિઅ, ચત્તગુણચત્ત ઇચઉદુગવીસા;	
સોલસ દસ નવ નવ સત્ત, હેઉણો ન ઉ અજોગિમિ.	૫૭
પણપત્ત મિચ્છિ હારગ-દુગૂણ સાસાણિ પત્ત મિચ્છવિણા;	
મીસદુગ કમ્મ અણ વિણુ, તિચત્ત મીસે અહ ઇચત્તા.	૫૮
સદુમીસકમ્મ અજએ, અવિરઇ કમ્મુરલમીસ બિકસાએ;	
મુત્તુ ગુણચત્ત દેસે, ઇવીસ સાહારદુ પમત્તે.	૫૯
અવિરઇ ઇગાર તિકસાય, વજ્જ અપમત્તિ મીસદુગરહિઆ;	
ચઉવીસ અપુવ્વે પુણ, દુવીસ અવિઉવ્વિ આહારે.	૬૦
અઇહાસ સોલ બાયરિ, સુહુમે દસ વેઅસંજલણતિ વિણા;	
ખીણુવસંતિ અલોભા, સજોગિ પુવ્વુત્ત સગ જોગા.	૬૧
અપમત્તંતા સત્તટ્ઠ, મીસ-અપુવ્વ બાયરા સત્ત;	
બંધઇ ઇસ્સુહુમો એગ, -મુવરિમા બંધગા જોગી.	૬૨
આસુહુમં સંતુદએ, અટ્ઠવિ મોહવિણુ સત્ત ખીણંમિ;	
ચઉ ચરિમદુગે અટ્ઠ ઉ, સંતે ઉવસંતિ સત્તુદએ.	૬૩
ઉઇરંતિ પમત્તંતા, સગટ્ઠ મીસટ્ઠ વેઅઆઉ વિણા;	
ઇગ અપમત્તાઈ તઓ, ઇપંચ સુહુમો પણુંવસંતો.	૬૪
પણ દો ખીણ દુજોગી-ણુદીરગુઅજોગિ થોવ ઉવસંતા;	
સંખગુણ ખીણ સુહુમા, નિઅટ્ટિઅપુવ્વ સમ અહિઆ.	૬૫
જોગિ અપમત્ત ઇઅરે, સંખગુણા દેસ સાસણા મીસા;	
અવિરઇ અજોગિમિચ્છા, અસંખ ચઉરો દુવે ણંતા.	૬૬
ઉવસમ ખય મીસોદય-પરિણામા દુનવ ટ્ઠાર ઇગવીસા;	
તિઅભેઅ સન્નિવાઇઅ, સમ્મં ચરણં પઢમભાવે.	૬૭
ખીએ કેવલજુઅલં, સમ્મં દાણાઇલદ્ધિ પણ ચરણં;	
તઇએ સેસુવઓગા, પણ લદ્ધી સમ્મવિરઇ દુગં.	૬૮
અન્નાણમસિદ્ધત્તા, સંજમ લેસા કસાય ગઇ વેયા;	
મિચ્છં તુરિએ ભવ્વા, ભવ્વત્ત જિઅત્ત પરિણામે.	૬૯
ચઉચઉગઇસુ મીસગ, પરિણામુદએહિં ચઉ સખઇએહિં;	
ઉવસમજુએહિં વા ચઉ, કેવલિ પરિણામુદય ખઇએ.	૭૦
ખય પરિણામિ સિદ્ધા, નરાણ પણ જોગુવસમસેઢીએ;	
ઇઅ પનર સન્નિવાઇઅ, ભેયા વીસં અસંભવિણો.	૭૧
મોહેવ સમો મીસો, ચઉઘાઈસુ અટ્ઠકમ્મસુ અ સેસા;	

ધમ્માઈ પરિણામિઅ, ભાવે બંધા ઉદ્દઈએ વિ.	૭૨
સમ્માઈયઈસુ તિગ ચઉ, ભાવા ચઉ પણુ વસામ ગુવસંતે;	
ચઉ ખીણાપુવ્વે તિન્નિ, સેસ ગુણાઠાણ ગેગજિએ.	૭૩
સંખિજ્જેગમસંખં, પરિત્ત જુત્ત નિયપયજુયં તિવિહં;	
એવમણંતંપિ તિહા, જહન મજ્જુક્કસા સવ્વે.	૭૪
લહુસંખિજ્જં દુચ્ચિઅ, અઓ પરં મજ્જિમં તુ જા ગુરુઅં;	
જંબુદીવપમાણય, ચઉપલ્લપરૂવણાઈ ઈમં.	૭૫
પલ્લાણવટ્ઠિઠ અ સલાગ-પડિસલાગ-મહાસલાગકખા;	
જોઅણસહસોગાઢા, સવેઈઅંતા સસિહ ભરિઆ.	૭૬
તો દીવુદ્દહિસુ ઈક્કિક્ક, સરિસવં ખિવિઅ નિટ્ઠિઠએ પઢમે;	
પઢમંવ તદંતં ચિય, પુણ ભરિએ તંમિ તહ ખીણે.	૭૭
ખિપ્પઈ સલાગપલ્લેગુ, સરિસવો ઈઅ સલાગખવણેણં;	
પુણ્ણો બીઓ અ તઓ, પુવ્વંપિ વ તંમિ ઉદ્ધરિએ.	૭૮
ખિણે સલાગ તઈએ, એવં પઢમેહિં બીઅયં ભરસુ;	
તેહિં તઈઅં તેહિં ય, તુરિઅંજા કિર કુડા ચઉરો.	૭૯
પઢમતિપલ્લુદ્ધરિઆ, દીવુદ્દહી પલ્લચઉ સરિસવા ય;	
સવ્વો વિ એગરાસી, રૂવૂણો પરમ સંખિજ્જં.	૮૦
રૂવજુઅંતુ પરિત્તા, સંખં લહુ અસ્સ રાસિઅબ્ભાસે;	
જુત્તાસંખિજ્જં લહુ, આવલિઆ સમય પરિમાણં.	૮૧
ખિ-તિ-ચઉ પંચમ-ગુણાણે, કમા સગાસંખ પઢમચઉસત્તા;	
હણંતા તે રૂવજુઆ, મજ્જા રૂવૂણ ગુરુપચ્છા.	૮૨
ઈઅ સુત્તુતં અન્ને, વગ્ગિઅમિક્કસિ ચઉત્થય મસંખં;	
હોઈ અસંખાસંખં, લહુ રૂવજુઅં તુ તં મજ્જં.	૮૩
રૂવૂણ માઈમં ગુરુ, તિવગ્ગિઉં તત્થિમે દસકખેવે;	
લોગાગાસપએસા, ધમ્માહમ્મેગજિઅદ્દેસા.	૮૪
ઠિઈબંધજ્જાવસાયા, અણુભાગા જોગછેઅપલિભાગા;	
દુણહ ય સમાણ સમયા, પત્તેઅ નિગોઅએ ખિવસુ.	૮૫
પણ તંમિ તિવગ્ગિઅએ, પરિત્તણંત લહુ તસ્સ રાસીણં;	
અબ્ભાસે લહુજુત્તા-ણંતં અભવ્વજિઅમાણં.	૮૬
તવ્વગ્ગે પુણ જાયઈ, ણંતાણંત લહુ તંચ તિક્ખુત્તો;	
વગ્ગસુ તહવિ ન તં હોઈ, હણંતખેવે ખિવસુ છ ઈમે.	૮૭
સિદ્ધા નિગોઅજ્જવા, વણ્ણસ્સઈ કાલ પુગ્ગલા ચેવ;	
સવ્વમલોગનહં પુણ, તિવગ્ગિઉં કેવલદુગંમિ.	૮૮
ખિત્તેહણંતાણંતં, હવેઈ જિટ્ઠંતુ વવહરઈ મજ્જં;	
ઈઅ સુહુમત્થવિઆરો, લિહિઓ દેવિંદ્દસૂરીહિં.	૮૯

કર્મગ્રન્થ પાંચમો (શતક)

નમિઅ જિણં ધુવબંધો-દયસંતા ઘાઈ પુનપરિઅત્તા;	
સેઅર ચઉહવિવાગા, વુચ્છં બંધવિહ સામીઅ.	૧
વનચઉ તેઅકમ્મા-ગુરુલહુ નિમિણોવઘાયભય કુચ્છા;	
મિચ્છ-કસાયા વરણા, વિગ્ઘં ધુવબંધિ સગચત્તા.	૨
તણુવંગાગિઈ-સંઘયણ, જાઈ ગઈ-ખગઈ-પુલ્લિ જિણુસાસં;	
ઉજ્જોઆયવ-પરઘા, તસવીસા ગોઅવેઅણિઅં.	૩
હાસાઈજુઅલદુગ વેઅ-આઉ તેવુત્તરી અધુવબંધી;	

ભંગા અણાઈસાઈ, અણંતસંતુત્તરા ચઉરો.	૪
પઢમભિઆ ધુવઉદઈસુ, ધુવબંધિસુ તઈઅવજજભંગતિગં;	
મિચ્છંમિતિન્નિભંગા, દુહાવિ અધુવા તુરીઅ ભંગા.	૫
નિમિણાથિરઅથિરઅગુરુઅ, સુહઅસુહતેઅકમ્મ ચઉવન્ના;	
નાણંતરાય ઠંસણ, મિચ્છં ધુવ-ઉદય સગવીસા.	૬
થિરસુભિઅર વિણુ અધુવ, બંધી મિચ્છવિણુમોહધુવબંધી;	
નિદોવઘાય-મીસં, સમ્મં પણ નવઈ અધુવુદયા.	૭
તસવન્નવીસ-સગતેઅ, કમ્મ ધુવબંધિ સેસ વેઅતિગં;	
આગિઈતિગ વેઅણિઅં, દુજુઅલ સગઉરલુસાસચી.	૮
ખગઈતિરિદુગ નિઅં, ધુવસંતા સમ્મ મીસ મણુયદુગં;	
વિઉવ્વિક્કાર જિણાગી, હારસ ગુચ્ચા અધુવસંતા.	૯
પઢમતિગુણેસુ મિચ્છં, નિઅમા અજયાઈઅટ્ટગે ભજજં;	
સાસાણે ખલુ સમ્મં, સંતં મિચ્છાઈદસગે વા.	૧૦
સાસણમીસેસુ ધુવં, મીસં મિચ્છાઈનવસુ ભયણાએ;	
આઈદુગે અણ નિઅમા, ભઈઆ મીસાઈનવગંમિ.	૧૧
આહારસત્તગં વા, સવ્વગુણે બિંતિગુણે વિણાતિત્થં;	
નોભયસંતે મિચ્છો, અંતમુહુત્તં ભવે તિત્થે.	૧૨
કેવલજુઅલાવરણા, પણ નિદા બારસાઈમકસાયા;	
મિચ્છં તિ સવ્વઘાઈ, ચઉનાણ તિઠંસણાવરણા.	૧૩
સંજલણ નોકસાયા, વિગ્ઘંઈઅ દેસઘાઈય અઘાઈ;	
પત્તેયતણુડટ્ટાગી, તસવીસા ગોઅદુગ-વન્ના.	૧૪
સુરનરતિગુચ્ચ સાયં, તસદસ તણુવંગ વઈર ચઉરંસં;	
પરઘા સગ તિરિઆગી, વન્નચઉ પણિંદિસુભખગઈ.	૧૫
બાયાલ પુણણપગઈ અપઢમસંઠાણ ખગઈ સંઘયણા;	
તિરિદુગ અસાય નીઓ, વઘાયઈગ-વિગલનિરયતિગં.	૧૬
થાવર દસ વન્નચઉક્ક, ઘાઈ પણયાલ સહિઅ બાસીઈ;	
પાવપયડિત્તિ દોસુવિ, વન્નાઈગહા સુહા અસુહા.	૧૭
નામધુવબંધિનવગં, ઠંસણ પણનાણ વિગ્ઘ પરઘાયં;	
ભય કુચ્છ મિચ્છ સાસં, જિણ ગુણાતીસા અપરિઅત્તા.	૧૮
તણુઅટ્ટવેઅ દુજુઅલ, કસાય ઉજ્જોઅ ગોઅદુગ નિદા;	
તસવીસાઉ પરિત્તા, ખિત્તવિવાગાડણુપુવ્વીઓ.	૧૯
ઘણાઘાઈ-દુગોઅ જિણા, તસિઅરતિસુભગદુભગચઉસાસં;	
જાઈતિગ જિઅવિવાગા, આગી ચઉરો ભવવિવાગા.	૨૦
નામધુવોદય ચઉતણુ-વઘાયસાહારણિઅરુજોઅતિગં;	
પુગ્ગલવિવાગિ બંધો, પયઈ ઠિઈ રસ પએસ તિ.	૨૧
મૂલપયડીણ અડસત્ત, છેગબંધેસુ તિન્નિ ભૂગારા;	
અપ્પતરા તિઅ ચઉરો, અવટ્ટિઠઆ નહુ અવત્તવ્વો.	૨૨
એગાદહિગે ભૂઓ, એગાઈ ઊણગંમિ અપ્પતરો;	
તમ્મત્તોડવટ્ટિઠયઓ, પઢમે સમએ અવત્તવ્વો.	૨૩
નવ છચ્ચઉદંસે દુદુ તિદુ મોહે દુઈગવીસ સત્તરસ;	
તેરસ નવ પણ ચઉ તિ દુ, ઈક્કો નવ અટ્ટ દસ દુન્નિ.	૨૪
તિપણાઈ-અટ્ટનવહિઆ-વીસા તીસેગતીસ ઈગ નામે;	
છસ્સગઅટ્ટતિબંધા, સેસેસુ ય ઠાણમિક્કિક્કં.	૨૫

વીસયરકોડિકોડી, નામે ગોએ અ સત્તરીમોહે;	
તીસિયરયઉસુ ઉદહી, નિરયસુરાઉમિ તિત્તીસા.	૨૬
મુતું અકસાયઠિં, બાર મુહુત્તા જહમ વેઅણિએ;	
અટ્ટઠટ્ટ નામગોએસુ, સેસએસું મુહુત્તો.	૨૭
વિઘ્વાવરણ અસાએ, તીસં અટ્ટઠાર સુહુમવિગલતિગે;	
પઢમાગિઇસંઘયણે, દસ દુસુવરિમેસુ દુગવુડ્ઢી.	૨૮
ચાલીસ કસાએસું, મિઉલહુનિદ્ધુઇહસુરહિસિઅમહુરે;	
દસ દોસડ્ઢ સમહિઆ, તે હાલિદ્દંબિલાઈણં.	૨૯
દસ સુહવિહ ગઇ ઉચ્ચે, સુરદુગ-થિરઇક્ક પુરિસ રઇ હાસે;	
મિચ્છે સત્તરિ મણુદુગ-ઇત્થી સાએસુ પન્નરસ.	૩૦
ભયકુચ્છઅરઇસોએ, વિઉવ્વિતિરિઉરલનિરયદુગનીએ;	
તેઅપણ અથિરઇક્કે, તસયઉ થાવર ઇગ પણિદ્દી.	૩૧
નપુંકુખગઇસાસયગી-ગુરુક્કખડરુક્કખસીયદુગ્ગંધે;	
વીસં કોડાકોડી, એવઇઆબાહ વાસસયા.	૩૨
ગુરુ કોડિકોડિઅંતો, તિત્થાહારાણ ભિન્નમુહુ બાહા;	
લહુઠિઇ સંખગુણુણા, નરતિરિઆણાઉ પલ્લતિગં.	૩૩
ઇગ વિગલ પુવ્વકોડી, પલિઆહસંખંસ આઉચ્ચઉ અમણા;	
નિરુવકમાણ ઇમાસા, અબાહ સેસાણ ભવતંસો.	૩૪
લહુઠિઇબંધો સંજલણ,-લોહપણવિઘ્વનાણદંસેસુ;	
ભિન્નમુહુત્તં તે અટ્ટઠ, જસુચ્ચે બારસ ય સાએ.	૩૫
દોઇગમાસો પક્ખો, સંજલણતિગે પુમટ્ટઠ વરિસાણિ;	
સેસાણુક્કોસાઓ, મિચ્છત્તઠિઈઇ જં લદ્દં.	૩૬
અયમુક્કોસોગિંદિસુ, પલિયાહસંખંસહીણ લહુબંધો;	
કમસો પણવીસાએ, પન્ના સય સહસ સંગુણિઓ.	૩૭
વિગલઅસન્નિસુ જિટ્ટો, કણિટ્ટઠઓ પલ્લસંખભાગુણો;	
સુરનિરયાઉ સમા દસ-સહસ્સ સેસાઉ ખુડ્ઢભવં.	૩૮
સવ્વાણ વિ લહુબંધે, ભિન્નમુહુ અબાહ આઉજિટ્ટઠેવિ;	
કેઇ સુરાઉસમં જિણ-મંતમુહુ ભિતિ આહારં.	૩૯
સત્તરસ સમહિઆ કિર, ઇગાણુપાણુમિ હુંતિ ખુડ્ઢભવા;	
સગતીસસયતિહુત્તર-પાણૂં પુણ ઇગમુહુત્તંમિ.	૪૦
પણસટ્ટિઠસહસ પણસય-ઇત્તીસા ઇગમુહુત્તખુડ્ઢભવા;	
આવલિઆણં દોસય-ઇપ્પન્ના એગખુડ્ઢભવે.	૪૧
અવિરયસમ્મો તિત્થં, આહારદુગામરાઉ ય પમત્તો;	
મિચ્છદ્દિટ્ટી બંધઇ, જિટ્ટઠટ્ટિઈં સેસ પયડીણં.	૪૨
વિગલસુહુમાઉગતિગં, તિરિમણુઆ સુરવિઉવ્વિનિરયદુગં;	
એગિંદિ થાવરાયવ, આઇસાણા સુરુક્કોસં.	૪૩
તિરિઉરલદુગુજ્જોએ, ઇવટ્ટઠ સુરનિરય સેસ ચઉગઇઆ;	
આહારજિણમપુવ્વો, ડનિઅટ્ટિસંજલણપુરિસલહું.	૪૪
સાયજસુચ્ચાવરણા, વિઘ્વં સુહુમો વિઉવ્વિ ઇ અસન્ની;	
સન્ની વિ આઉ બાયર-પજ્જેગિદ્દી ઉ સેસાણં.	૪૫
ઉક્કોસજહન્નેઅર, ભંગા સાઈ અણાઈ ધુવ અધુવા;	
ચઉહા સગ અજહન્નો, સેસતિગે આઉ ચઉસુ દુહા.	૪૬
ચઉભેઓ અજહન્નો, સંજલણાવરણાનવગવિઘ્વાણં;	

સેસતિગિ સાઠ અધુવો, તહ ચઉહા સેસપયડીણં.	૪૭
સાણાઠઅપુવ્વંતે અચરંતો, કોડિકોડિઓ ન હિગો;	
બંધો નહુ ડીણો ન ય, મિચ્છેભવ્વિઅરસન્નિમિ.	૪૮
જઇલહુબંધોબાયર, પજજઅસંખગુણસુહુમપજજહિગો;	
એસિઅપજજાણ લહુ, સુહુમેઅર અપજજ-પજજગુરુ.	૪૯
લહુબિઅપજજઅપજજે, અપજજે અરબિઅગુરુહિગો એવં;	
તિયઉઅસન્નિસુ નવરં, સંખગુણો બિઅઅમણપજજે.	૫૦
તો જઇજિટ્ઠો બંધો, સંખગુણો દેસવિરયહસ્સિઅરો;	
સમ્મચઉ સન્નિચઉરો, ઠિઇબંધાણુકમ-સંખગુણા.	૫૧
સવ્વાણાવિ જિટ્ઠઠિઈ, અસુભા જં સાઠસંકિલેસેણં;	
ઇઅરા વિસોહિઓ પુણ, મુત્તું નરઅમરતિરિઆઉં.	૫૨
સુહુમનિગોઆઠખણપ્પ, જોગ બાયર ય વિગલઅમણમણા;	
અપજજલહુપદમદુગુરુ, પજહસ્સિઅરોઅસંખગુણો.	૫૩
અપજત્તસુક્કોસો, પજજજહન્નિઅરુ એવ ઠિઇઠાણા;	
અપજેઅર સંખગુણા, પરમપજબિએ અસંખગુણા.	૫૪
પઇખણમસંખગુણાવિરિઅ, અપજપઇઠિઇમસંખલોગસમા;	
અજ્જવસાયા અહિઆ, સત્તસુ આઉસુ અસંખગુણા.	૫૫
તિરિનિરયતિ જોઆણં, નરભવજુઅ સચઉપલ્લ તેસટ્ઠં;	
થાવરચઉ ઇગવિગલા, યવેસુ પણસીઇસયમયરા.	૫૬
અપદમસંઘયણાગિઇ-ખગઇઅણમિચ્છુદુહગથીણતિગં;	
નિઅનપુઇત્થિ દુત્તીસં, પણિંદિસુ અબંધઠિઇ પરમા.	૫૭
વિજયાઇસુ ગેવિજ્જે, તમાઇ દહિસય દુત્તીસ તેસટ્ઠં;	
પણસીઈ સયયબંધો, પલ્લતિગં સુરવિઉવ્વિદુગે.	૫૮
સમયાદસંખકાલં, તિરિદુગનીએસુ આઉ અંતમુહુ;	
ઉરલિ અસંખપરટ્ટા, સાયઠિઈ પુવ્વકોડૂણા.	૫૯
જલહિસયં પણસીઅં, પરઘુસ્સાએ પણિંદિ તસચઉગે;	
બત્તીસ સુહવિહગઇ-પુમ સુભગતિગુચ્ચ ચઉરંસે.	૬૦
અસુખગઇજાઇ આગિઇ-સંઘયણાહાર-નિરય-જોઅદુગં;	
થિરસુભજસ થાવરદસ-નપુઇત્થી દુજુઅલ મસાયં.	૬૧
સમયાદંતમુહુત્તં, મણુદુગ જિણ વઇર ઉરલુવંગેસુ;	
તિત્તીસયરા પરમો, અંતમુહુ લહુવિ આઉજિણો.	૬૨
તિવ્વો અસુહસુહાણં સંકેસવિસોહિઓ વિવજ્જયઓ;	
મંદરસો ગિરિમહિરય જલરેહાસરિસકસાએહિં.	૬૩
ચઉઠાણાઇ અસુહો, સુહહન્નહા વિગ્ઘદેસઆવરણા;	
પુમસંજલણિગદુતિયઉ-ઠાણરસા સેસ દુગમાઈ.	૬૪
નિબુચ્છુરસો સહજો, દુતિ ચઉભાગકઢિઇક્કભાગંતો;	
ઇગઠાણાઈ અસુહો, અસુહાણ સુહો સુહાણં તુ.	૬૫
તિવ્વમિગથાવરાયવ, સુરમિચ્છાવિગલસુહુમનિરયતિગં;	
તિરિમણુઆઉ તિરિનરા, તિરિદુગ છેવટ્ઠ સુરનિરયા.	૬૬
વિઉવિસુરાહારદુગં, સુખગઇવન્નચઉતેઅજિણસાયં;	
સમચઉ પરઘા તસદસ, પણિંદિસાસુચ્ચ ખવગા ઉ.	૬૭
તમતમગા ઉજ્જોઅં, સમ્મસુરા મણુઅઉરલદુગ વઇરં;	
અપમત્તો અમરાઉં, ચઉગઇ મિચ્છા ઉ સેસાણં.	૬૮

થીણતિગં અણ મિચ્છં, મંદરસં સંજમુમ્મુહો મિચ્છો;	
ભિઅતિઅકસાય અવિરય, દેસ પમત્તો અરઇ સોએ.	૬૯
અપમાઇ હારગદ્દુગં, દુનિદ અસુવન્નહાસરઇકુચ્છા;	
ભયમુવઘાયમપુવ્વો, અનિઅટ્ટી પુરિસ સંજલણે.	૭૦
વિઘ્વાવરણે સુહુમો, મણુતિરિઆ સુહુમવિગલતિગ આઉં;	
વેઉવ્વિઇકકમમરા, નિરયા ઉજ્જોઅ ઉરલદ્દુગં.	૭૧
તિરિદ્દુગનિઅંતમતમા, જિણમવિરયનિરયવિણિગથાવરયં;	
અસુહુમાયવ સમ્મો વ, સાયથિરસુભજસા સિઅરા.	૭૨
તસવન્નતેઅયઉમણુ, ખગઈદ્દુગ પણિંદિ સાસ પરઘુચ્ચં;	
સંઘયણા ગિઇનપુથી, સુભગિઅરતિ મિચ્છયઉગઇઆ.	૭૩
ચઉતેઅવન્ન વેઆણિઅ, નામણુક્કોસ સેસધુવબંધી;	
ઘાઇણં અજહન્નો, ગોએ દુવિહો ઇમો ચઉહા.	૭૪
સેસંમિ દુહા ઇગ દુગ, ણુગાઇ જા, અભવણંતગુણિઆણુ;	
ખંધા ઉરલોચિઅવગ્ગણા ઉ, તહ અગહણંતરિઆ.	૭૫
એમેવ વિઉવ્વાહાર-તેઅભાસાણુપાણ મણકમ્મે;	
સુહુમા કમાવગાહો, ઊણુણંગુલ અસંખંસો.	૭૬
ઇક્કિક્કહિઆ સિદ્ધા, ણંતંસા અંતરેસુ અગ્ગહણા;	
સવ્વત્થ જહન્નુચિઆ, નિઅણંતંસાહિઆ જિટ્ઠા.	૭૭
અંતિમચઉફાસદ્દુગંધ પંચવન્નરસ કમ્મખંધદલં;	
સવ્વજિઅણંતગુણરસ, અણુજુત્તમણં તયપએસં.	૭૮
એગપએસોગાઠં, નિઅસવ્વપએસઓ ગહેઇ જિઓ;	
થોવો આઉ તદંસો, નામે ગોએ સમો અહિઓ.	૭૯
વિઘ્વાવરણે મોહે, સવ્વોવરિ વેઅણીઇ જેણપ્પે;	
તસ્સ ફુડતં ન હવઇ, ઠિઈ વિસેસેણ સેસાણં.	૮૦
નિઅજાઇલદ્દહલિઆ, ણંતંસો હોઇ સવ્વઘાઇણં;	
બજ્જંતીણ વિભજ્જઇ, સેસં સેસાણ પઇસમયં.	૮૧
સમ્મ દર સવ્વવિરઈ, અણવીસં જોઅ દંસખવગે અ;	
મોહસમ સંત ખવગે, ખીણ સજોગિઅર ગુણસેઢી.	૮૨
ગુણસેઢી દલરયણા, ણુસમયમુદયાદસંખગુણાણાએ;	
એયગુણા પુણ કમસો, અસંખગુણાનિજ્જરા જીવા.	૮૩
પલિઆડસંખંસ મુહૂ, સાસણઇઅરગુણ-અંતરે હસ્સં;	
ગુરુ મિચ્છિ બે ઇસટ્ઠી ઇઅરગુણો પુગ્ગલદ્ધંતો.	૮૪
ઉદ્ધારઅદ્ધખિત્તં, પલિઅ તિહા સમય વાસસય સમએ;	
કેસવહારો દીવો દહિ-આઉ તસાઇપરિમાણં.	૮૫
દવ્વે ખિત્તે કાલે, ભાવે ચઉહ દુહ બાયરો સુહુમો;	
હોઇ અણંતુસ્સપ્પિણિ-પરિમાણો પુગ્ગલપરટ્ટો.	૮૬
ઉરલાઇસત્તગેણં, એગજિઓ મુઅઇ ફુસિઅ સવ્વઅણુ;	
જત્તિઅકાલિ સ થૂલો, દવ્વે સુહુમો સગન્નયરા.	૮૭
લોગપએસોસપ્પિણિ-સમયા અણુભાગબંધઠાણા ય;	
જહતહ કમમરણેણં, પુટ્ઠા ખિત્તાઈ થૂલિઅરા.	૮૮
અપ્પયરપયડિબંધી, ઉક્કડજોગી અ સન્નિપજ્જત્તો;	
કુણઇ પએસુક્કોસં, જહન્નયં તસ્સ વચ્ચાસે.	૮૯
મિચ્છઅજયયઉ આઊ, બિતિગુણવિણુમોહિસત્તમિચ્છાઈ;	

છણહં સત્તરસ સુહુમો, અજયા દેસા બિતિકસાએ.	૯૦
પણ અનિઅટ્ટીસુખગઈ, નરાઉ-સુરસુભગતિગ-વિઉવ્વિદુગં;	
સમચઉરંસમસાયં, વઈરં મિચ્છો વ સમ્મો વા.	૯૧
નિદાપયલાદુજુઅલ-ભયકુચ્છાતિત્થ સમ્મગો સુજઈ;	
આહારદુગં સેસા, ઉક્કોસપએસગા મિચ્છો.	૯૨
સુમુણી દુન્નિ અસન્ની, નિરયતિગ-સુરાઉસુરવિઉવ્વિદુગં;	
સમ્મો જિણં જહન્નં, સુહુમનિગોઆઈખણિ સેસા.	૯૩
દંસણાઈગ ભયકુચ્છા, બિતિતુરિઅક્કસાય વિગ્ઘનાણાણં;	
મૂલછગેઉણુક્કોસો, ચઉહ દુહા સેસિ સવ્વત્થ.	૯૪
સેઢિઅસંખિજ્જંસે, જોગટ્ટાણાણિ પયડિ ઠિઈભેઆ;	
ઠિઈબંધજ્જવસાયા-ણુભાગઠાણા અસંખગુણા.	૯૫
તત્તો કમ્મપએસા, અણંતગુણિઆ તઓ રસચ્છેઆ;	
જોગા પયડિપએસં, ઠિઈઅણુભાગં કસાયાઓ.	૯૬
ચઉદસરજ્જૂ લોગો, બુદ્ધિકઓ સત્તરજ્જૂમાણાઘણો;	
તદ્દીહેગપએસા, સેઢી પયરો અ તવ્વગ્ગો.	૯૭
અણ દંસ નપુંસિત્થી, વેઅચ્છકંકં ચ પુરિસવેઅં ચ;	
દો દો એગંતરિએ, સરિસે સરિસં ઉવસમેઈ.	૯૮
અણ મિચ્છમીસસમ્મં, તિઆઉછગવિગલથીણાતિગુજોઅં;	
તિરિનિરય થાવરદુગં, સાહારાયવ અડ નપુત્થી.	૯૯
છગપુમસંજલણા દો, નિદાવિગ્ઘાવરણાખએ નાણી;	
દેવિંદસૂરિ લિહિઅં, સયગમિણં આયસરણટ્ટા.	૧૦૦

કર્મગ્રન્થ છટ્ટો (સપ્તતિકા)

સિદ્ધપએહિં મહત્થં, બંધોદયસંતપયડિઠાણાણં;	
વુચ્છં સુણ સંખેવં, નીસંદં દિટ્ઠિવાયસ્સ.	૧
કઈ બંધંતો વેચઈ?, કઈ કઈ વા સંતપયડિઠાણાણિ;	
મૂલુત્તરપગઈસું, ભંગવિગપ્પા મુણેઅવ્વા.	૨
અટ્ટવિહસત્તછબ્બંધ એસુ, અટ્ટેવ ઉદયસંતંસા;	
એગવિહે તિવિગપ્પો, એગવિગપ્પો અબંધંમિ.	૩
સત્તટ્ટબંધ અટ્ટદુદય સંત તેરસસુ જીવઠાણેસુ;	
એગંમિ પંચભંગા, દો ભંગા હુંતિ કેવલિણો.	૪
અટ્ટસુ એગવિગપ્પો, છસ્સુવિ ગુણાસન્નિએસુ દુવિગપ્પો;	
પત્તેઅં પત્તેઅં, બંધોદયસંતકમ્માણં.	૫
પંચ નવ દુન્નિ અટ્ટાવીસા, ચઉરો તહેવ બાયાલા;	
દુન્નિ અ પંચ ય ભણિયા, પયડીઓ આણુપુવ્વીએ.	૬
બંધોદયસંતંસા, નાણાવરણંતરાઈએ પંચ;	
બંધોવરમેવિ ઉદય, સંતંસા હુંતિ પંચેવ.	૭
બંધસ્સ ય સંતસ્સ ય, પગઈટ્ટાણાઈ તિણિણા તુલ્લાઈં;	
ઉદયટ્ટાણાઈં દુવે, ચઉ પણગં દંસણાવરણો.	૮
બીઆવરણો નવબંધએ સુ, ચઉપંચઉદય નવસંતા;	
છચ્ચઉબંધે ચેવં ચઉબંધુદએ છલંસા ય.	૯
ઉવરયબંધે ચઉ પણ, નવંસ ચઉરુદય છચ્ચચઉસંતા;	
વેઅણિઆઉયગોએ, વિભજ્જ મોહં પરં વુચ્છં.	૧૦
ગોઅંમિ સત્તભંગા, અટ્ટય ભંગા હવંતિ વેઅણિએ;	

પણ નવ નવ પણ ભંગા, આઉચઉકે વિ કમસો ઉ.	૧૧
બાવીસ ઇક્કવીસા, સત્તરસં તેરસેવ નવ પંચ;	
ચઉ તિગ દુગં ચ ઇક્કં, બંધટ્ટાણાણિ મોહસ્સ.	૧૨
એગં વ દો વ ચઉરો, એત્તો એગાહિઆ દસુક્કોસા;	
ઓહેણ મોહણિજ્જે, ઉદયટ્ટાણાણિ નવ હુંતિ.	૧૩
અટ્ટઠય સત્ત ય છચ્ચઉ, તિગ દુગ એગાહિઆ ભવે વીસા;	
તેરસ બારિક્કારસ, ઇત્તો પંચાઇ એગૂણા.	૧૪
સંતસ્સ પચડિઠાણાણિ તાણિ મોહસ્સ હુંતિ પન્નરસ;	
બંધોદયસંતે પુણ, ભંગવિગપ્પા બહુ જાણ.	૧૫
છબ્બાવીસે ચઉ ઈગવીસે, સત્તરસ તેરસે દો દો;	
નવબંધગે વિ દુણિણ ઉ, ઇક્કિક્કમઓ પરં ભંગા.	૧૬
દસ બાવીસે નવ ઈગવીસે, સત્તાઇ ઉદયકમ્મંસા;	
છાઈ નવ સત્તરસે, તેરે પંચાઇ અટ્ટેવ.	૧૭
ચત્તારિઆઇ નવબંધએસુ, ઉક્કોસ સત્તમુદયંસા;	
પંચવિહબંધગે પુણ, ઉદઓ દુણહં મુણોઅવ્વો.	૧૮
ઇત્તો ચઉબંધાઈ, ઇક્કિક્કુદયા હવંતિ સવ્વેવિ;	
બંધોવરમે વિ તહા, ઉદયાભાવે વિ વા હુજ્જા.	૧૯
ઇક્કગ ઇક્કિક્કારસ, દસ સત્ત ચઉક્ક ઇક્કગં ચેવ;	
એએ ચઉવીસગયા, બાર દુગિક્કમિ ઇક્કારા.	૨૦
નવતેસીઇસએહિં ઉદયવિગપ્પેહિં મોહિઆ જીવા;	
અઉણ્ણત્તરિ સીઆલા, પચવિદસએહિં વિન્નેઆ.	૨૧
નવપંચાણઉવસએ, ઉદયવિગપ્પેહિં મોહિઆ જીવા;	
અઉણ્ણત્તરિ એગુત્તરિ, પચવિદસએહિં વિન્નેઆ.	૨૨
તિન્નેવ ય બાવીસે, ઈગવીસે અટ્ટાવીસ સત્તરસે;	
છચ્ચેવ તેર નવ બંધએસુ પંચેવ ઠાણાણિ.	૨૩
પંચવિહ ચઉવિહેસું, છ ઇક્ક સેસેસુ જાણ પંચેવ;	
પત્તેઅં પત્તેઅં ચત્તારિ અ બંધવુચ્છેએ.	૨૪
દસ નવ પન્નરસાઈ, બંધોદય-સંત પચડિઠાણાણિ;	
ભણિઆણિ મોહણિજ્જે, ઇત્તોનામં પરં વુચ્છં.	૨૫
તેવીસ પન્નવીસા, છવ્વીસા અટ્ટઠવીસ ગુણતીસા;	
તીસેગતીસમેગં, બંધટ્ટાણાણિ નામસ્સ.	૨૬
ચઉ પણવીસા સોલસ, નવ બાણઉઇસયા ય અડયાલા;	
એયાલુત્તર છાયાલ, સયા ઇક્કિક્ક બંધવિહી.	૨૭
વીસિગવીસા ચઉવીસગા ઉ, એગાહિઆ ય ઈગતીસા;	
ઉદયટ્ટાણાણિ ભવે, નવ અટ્ટ ય હુંતિ નામસ્સ.	૨૮
ઇક્ક બિઆલિક્કારસ, તિત્તીસા છસ્સયાણિ તિત્તીસા;	
બારસ સત્તરસસયાણ-હિગાણિ-બિપંચસીઇહિં.	૨૯
અઉણ્ણત્તીસિક્કારસ, સયાણિહિઅ સત્તરપંચસટ્ટીહિં	
ઇક્કિક્કગં ચ વીસા, દટ્ટહુદયંતેસુ ઉદયવિહી.	૩૦
તિ દુનઉઈ ગુણનઉઈ, અડસી છલસી અસીઇ ગુણસીઈ;	
અટ્ટઠયછપ્પન્નત્તરિ, નવ અટ્ટઠય નામસંતાણિ.	૩૧
અટ્ટ ય બારસ બારસ, બંધોદય સંત પચડિઠાણાણિ;	
ઓહેણાએસેણ ય, જત્થ જહાસંભવં વિભજે.	૩૨

નવ પણગોદયસંતા, તેવીસે પન્નવીસ ઇવ્વીસે; અટ્ઠ ચઉરટ્ઠવીસે, નવ સગિ ગુણતીસ તીસંમિ.	૩૩
એગેગમેગતીસે, એગે એગુદય અટ્ઠ સંતંમિ; ઉવરયબંધે દસ દસ, વેઅગસંતંમિ ઠાણાણિ.	૩૪
તિવિગપ્પ પગઇ ઠાણોહિં જીવગુણસન્નિએસુ ઠાણોસુ; ભંગા પઉજિઅવ્વા, જત્ય જહા સંભવો ભવઇ.	૩૫
તેરસસુ જીવ સંખેવએસુ, નાણંતરાય તિવિગપ્પો; ઇક્કંમિ તિદ્ધવિગપ્પો, કરણં પઇ ઇત્ય અવિગપ્પો.	૩૬
તેરે નવ ચઉ પણગં, નવ સંતેગંમિ ભંગમિક્કારા; વેઅણિ આઉય ગોએ, વિભજ્જ મોહં પરં વુચ્છં.	૩૭
પજ્જત્તગ સન્નિઅરે, અટ્ઠ ચઉક્કં ચ વેઅણિઅભંગા; સત્ત ચ તિગં ચ ગોએ, પત્તેઅં જીવઠાણોસુ.	૩૮
પજ્જત્તાઉપજ્જત્તગ, સમણે પજ્જત્તઅમણ સેસેસુ; અટ્ઠાવીસં દસગં નવગં પણગં ચ આઉસ્સ.	૩૯
અટ્ઠસુ પંચસુ એગે, એગ દુગં દસ ચ મોહબંધગએ; તિગ ચઉ નવ ઉદયગએ, તિગ તિગ પન્નરસ સંતંમિ.	૪૦
પણ દુગ પણગં પણ ચઉ, પણગં પણગા હવંતિ તિન્નેવ; પણ ઇપ્પણગં ઇચ્છ-પ્પણગં અટ્ઠટ્ઠ દસગં તિ.	૪૧
સત્તેવ અપજ્જત્તા, સામી સુહુમા ચ બાયરા ચેવ; વિગલિંદિઆઉ તિન્નિઉ, તહ ચ અસન્ની અ સન્ની અ.	૪૨
નાણંતરાય તિવિહમવિ, દસસુ દો હુંતિ દોસુ ઠાણોસું; મિચ્છાસાણે બીએ, નવ ચઉ પણ નવ ચ સંતંસા.	૪૩
મિસ્સાઇ નિઅટ્ટીઓ, ઇ ચ્યઉ પણ નવ ચ સંતકમ્મંસા; ચઉબંધ તિગે ચઉપણ, નવંસ દુસુ જુઅલ ઇસ્સંતા.	૪૪
ઉવસંતે ચઉ પણ નવ, ખીણે ચઉરુદય ઇચ્ચ ચઉ સંતા; વેઅણિ આઉઅ ગોએ, વિભજ્જ મોહં પરં વુચ્છં.	૪૫
ચઉ ઇસ્સુ દુન્નિ સત્તસુ, એગે ચઉગુણિસુ વેઅણિઅભંગા; ગોએ પણ ચઉ દો તિસુ, એગટ્ઠસુ દુન્નિ ઇક્કંમિ.	૪૬
અટ્ઠચ્છાહિગવીસા, સોલસ વીસં ચ બારસ ઇ દોસુ; દો ચઉસુ તીસુ ઇક્કં, મિચ્છાઇસુ આઉએ ભંગા.	૪૭
ગુણઠાણએસુ અટ્ઠસુ, ઇક્કિક્કં મોહબંધઠાણં તુ; પંચ અનિઅટ્ટિઠાણે, બંધોવરમો પરં તત્તો.	૪૮
સત્તાઈ દસ ઉ મિચ્છે, સાસાયણમીસએ નવુક્કોસા; છાઈ નવ ઉ અવિરએ, દેસે પંચાઈ અટ્ઠેવ.	૪૯
વિરએ ખઓવસમિએ, ચઉરાઈ સત્ત ઇચ્ચ પુવ્વંમિ; અનિઅટ્ટિબાયરે પુણ, ઇક્કો વ દુવે વ ઉદયંસા.	૫૦
એગં સુહુમસરાગો, વેએઇ અવેઅગા ભવે સેસા; ભંગાણં ચ પમાણં, પુવ્વુદિટ્ઠેણ નાયવ્વં.	૫૧
ઇક્ક ઇઉક્કારિક્કા-રસેવ, ઇક્કારસેવ નવ તિન્નિ; એએ ચઉવીસગયા, બાર દુગે પંચ ઇક્કંમિ.	૫૨
બારસ પણસટ્ઠિઠ સયા, ઉદયવિગપ્પેહિં મોહિઆ જીવા; ચુલસીઈ સત્તુત્તરિ, પચવિંદસએહિં વિન્નેઆ.	૫૩
અટ્ઠગ ચઉ ચઉ ચઉરટ્ઠગા ય, ચઉરો અ હુંતિ ચઉવીસા;	

મિચ્છાઇ અપુવ્વંતા, બારસ પણાં ચ અનિઅટ્ટી.	૫૪
જોગોવઓગલેસા, ઇએહિં ગુણિઆ હવંતિ કાયવ્વા;	
જે જત્ય ગુણટ્ટાણો, હવંતિ તે તત્ય ગુણકારા.	૫૫
અટ્ટઠટ્ટી બત્તીસં, બત્તીસં સટ્ટિઠમેવ બાવન્ના;	
ચોઆલં દોસુ વીસા, વિઅ મિચ્છમાઇસુ સામન્નં.	૫૬
તિન્નેગે એગેગં, તિગ મીસે પંચ ચઉસુ તિગ પુવ્વે;	
ઇક્કાર બાયરંમિ ઉ, સુહુમે ચઉ તિન્નિ ઉવસંતે.	૫૭
ઇન્નવ ઇક્કં તિગ સત્ત, દુગં દુગ તિગ દુગંતિ અટ્ટ યઉ;	
દુગ ઇચ્ચઉ દુગ પણ ચઉ, ચઉ દુગ ચઉ પણાગ એગ ચઉ.	૫૮
એગેગમટ્ટ ઇએગેગમટ્ટ, ઇઉમત્ય કેવલિજિણાણં;	
એગ ચઉ એગ ચઉ, અટ્ટ યઉ દુ ઇક્કમુદ્દયંસા.	૫૯
ચઉ પણવીસા સોલસ, નવ ચત્તાલા સયા ય બાણાઉઈ;	
બત્તીસુત્તર ઇયાલા-સયા મિચ્છસ્સ બંધવિહી.	૬૦
અટ્ટ સયા ચઉસટ્ટી, બત્તીસસયાઇં સાસણો ભેઆ;	
અટ્ટાવીસાઈસું, સવ્વાણાટ્ટઠહિગઇન્નઉઈ.	૬૧
ઇગચત્તિગાર બત્તીસ, ઇસય ઇગત્તીસિગારનવનઉઈ;	
સતરિગસિ ગુત્તીસચઉદ્દ, ઇગારચઉસટ્ટિઠ મિચ્છુદ્દયા.	૬૨
બત્તીસ દુન્નિ અટ્ટ ય, બાસીઈ સયાયપંચ નવ ઉદ્દયા;	
બારહિઆ તેવીસા, બાવન્નિક્કારસ સયા ય.	૬૩
દો ઇક્કટ્ટ યઉક્કં, પણ નવ ઇક્કાર ઇક્કગં ઉદ્દયા;	
નેરઇઆઈસુ સત્તા, તિ પંચ ઇક્કારસ ચઉક્કં.	૬૪
ઇગ વિગલિંદિઅ સગલે, પણ પંચય અટ્ટ બંધઠાણાણિ;	
પણ ઇક્કિક્કારુદ્દયા, પણ પણ બારસ ય સંતાણિ.	૬૫
ઇઅ કમ્મપગઇઠાણાણિ, સુટ્ટહુ બંધુદ્દયસંતકમ્માણં;	
ગઇઆઇએહિં અટ્ટસુ, ચઉપ્પયારેણ નેઆણિ.	૬૬
ઉદ્દયસ્સુદ્દીરણાએ, સામિત્તાઓ ન વિજ્જઇ વિસેસો;	
મુત્તૂણ ય ઇગયાલં, સેસાણં સવ્વપયડીણં.	૬૭
નાણંતરાય-દસગં, દંસણ નવ વેઆણિજ્જ મિચ્છન્તં;	
સમ્મત્ત લોભ વેઆ-ઉઆણિ નવનામ ઉચ્ચં ય.	૬૮
તિત્યયરાહારગ-વિરહિઆઉ, અજ્જેઇ સવ્વપયડીઓ;	
મિચ્છન્તવેઅગો, સાસણોવિ ગુણવીસસેસાઓ.	૬૯
ઇયાલાસેસ મીસો, અવિરયસમ્મો તિઆલાપરિસેસા;	
તેવન્ન દેસવિરઓ, વિરઓ સગવન્નસેસાઓ.	૭૦
ઇગુણાટ્ટિઠ મપ્પમત્તો, બંધઇ દેવાઉઅસ્સ ઇઅરોવિ;	
અટ્ટઠાવન્ન મપુવ્વો, ઇપ્પન્નં વાવિ ઇવ્વીસં.	૭૧
બાવીસા એગૂણં, બંધઇ અટ્ટઠારસંતમનિઅટ્ટી;	
સત્તરસ સુહુમસરાગો, સાયમમોહો સજોગુત્તિ.	૭૨
એસો ઉ બંધસામિત્ત-ઓહો ગઇઆઇએસુ વિ તહેવ;	
ઓહાઓ સાહિજ્જઇ, જત્ય જહા પયડિસબ્ભાવો.	૭૩
તિત્યયરદેવનિરયાઉઅં ય, તિસુ તિસુ ગઈસુ	
બોધવ્વં અવસેસા પયડીઓ, હવંતિ સવ્વાસુ વિ ગઈસુ.	૭૪
પઠમકસાયચઉક્કં, દંસણતિગ સત્તગા વિઉવસંતા;	
અવિરયસમ્મત્તાઓ, જાવ નિઅટ્ટિત્તિ નાયવ્વા.	૭૫

સત્તટ્ઠ નવ ય પનરસ, સોલસ અટ્ઠારસેવ ગુણવીસા; એગાહિ દુ ચઉવીસા, પણવીસા બાયરે જાણ.	૭૬
સત્તાવીસં સુહુમે, અટ્ઠાવીસં ચ મોહપયડીઓ; ઉવસંતવીઅરાએ, ઉવસંતા હુંતિ નાયવ્વા.	૭૭
પઢમકસાયચઉક્કં, ઇત્તો મિચ્છત્ત મીસ સમ્મત્તં; અવિરયસમ્મે દેસે, પમત્તિ અપમત્તિ ખીઅંતિ.	૭૮
અનિઅટ્ઠિબાયરે થીણાગિદ્ધિતિગ-નિરયતિરિઅનામાઓ; સંખિજજઇમે સેસે, તપ્પાઉગ્ગાઓ ખીઅંતિ.	૭૯
ઇત્તો હણઇ કસાયટ્ઠગંપિ પચ્છા નપુંસગં ઇત્થિં; તો નોક્સાયઇક્કં, છુહઇ સંજલણકોહંમિ.	૮૦
પુરિસં કોહે કોહં, માણે માણં ચ છુહઇ માયાએ; માયં ચ છુહઇ લોહે, લોહં સુહુમંપિ તો હણઇ.	૮૧
ખીણકસાયદુચરિમે, નિદં પયલં ચ હણઇ છઉમત્થો; આવરણમંતરાએ, છઉમત્થો ચરમસમયંમિ.	૮૨
દેવગઇસહગયાઓ, દુચરમ સમયં ભવિઅંમિ ખીઅંતિ; સવિવાગેઅરનામા, નીઆગોઅંપિ તત્થેવ.	૮૩
અન્નચર વેઅણીઅં, મણુઆઉઅ મુચ્ચગોઅ નવનામે; વેએઇ અજોગિજિણો, ઉક્કોસજહન્નમિક્કારા.	૮૪
મણુઅગઇ જાઇ તસ બાયરં ચ પજ્જત્તસુભગમાઇજ્જં; જસકિત્તી તિત્થચરં, નામસ્સ હવંતિ નવ એઆ.	૮૫
તચ્ચાણુપુવ્વિસહિઆ, તેરસ ભવસિદ્ધિઅસ્સ ચરમંમિ; સંતંસગમુક્કોસં જહન્નયં બારસ હવંતિ.	૮૬
મણુઅગઇસહગયાઓ, ભવખિત્તવિવાગ-જિઅવિવાગાઓ; વેઅણિઅન્નચરુચ્ચં, ચરમસમયંમિ ખીયંતિ.	૮૭
અહ સુઇઅસયલજગસિહર મરુઅનિરુવમસહાવસિદ્ધિસુહં; અનિહણમવ્વાબાહં, તિરયણસારં અણુહવંતિ.	૮૮
દુરહિગમ નિઉણ પરમત્થ-રુઇરબહુભંગદિદ્ધિવાયાઓ; અત્થા અણુસરિઅવ્વા, બંધોદયસંતકમ્માણં.	૮૯
જો જત્થ અપડિપુત્તો, અત્થો અપ્પાગમેણ બદ્ધોત્તિ; તં ખમિઉણ બહુસુઆ, પૂરેઉણં પરિકહંતુ.	૯૦
ગાહગ્ગં સચરીએ, ચંદમહત્તર મયાણુસારીએ; ટીગાઇ નિઅમિઆણં, એગૂણા હોઇ નઉઇઓ.	૯૧